

REGLUGERÐ

um (20.) breytingu á reglugerð nr. 560/2014 um gildistöku reglugerðar framkvæmdastjórnarinnar (EB) nr. 798/2008 um skrár yfir þriðju lönd, yfirráðasvæði, svæði eða hólf, þaðan sem leyfður er innflutningur til Bandalagsins og umflutningur um Bandalagið á alifuglum og alifuglaafurðum, og um kröfur vegna heilbrigðisvottana fyrir dýr og dýraafurðir.

1. gr.

Við 1. gr. bætist nýr töluliður, 58. tölul., svohljóðandi:

58. Framkvæmdarreglugerð framkvæmdastjórnarinnar (ESB) 2020/544 frá 20. apríl 2020 um breytingu á I. viðauka við reglugerð (EB) nr. 798/2008 að því er varðar færsluna fyrir Bandaríkin í skránni yfir þriðju lönd, yfirráðasvæði, svæði eða hólf þaðan sem leyfður er innflutningur til Sambandsins eða umflutningur um Sambandið á tilteknum alifuglavörum í tengslum við alvarlega fuglainflúensu.

2. gr.

Ofangreind framkvæmdarreglugerð framkvæmdastjórnarinnar er birt sem fylgiskjal við reglugerð þessa.

3. gr.

Reglugerð þessi er sett með heimild í lögum nr. 93/1995 um matvæli, lögum nr. 54/1990 um innflutning dýra og lögum nr. 25/1993 um dýrasjúkdóma og varnir gegn þeim, öll með síðari breytingum.

Reglugerð þessi öðlast þegar gildi.

Atvinnuvega- og nýsköpunarráðuneytinu, 6. október 2020.

Kristján Þór Júlíusson
sjávarútvegs- og landbúnaðarráðherra.

Iðunn Guðjónsdóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2020/544**

frá 20. apríl 2020

um breytingu á I. viðauka við reglugerð (EB) nr. 798/2008 að því er varðar færsluna fyrir Bandaríkin í skránni yfir þriðju lönd, yfirráðasvæði, svæði eða hólf þaðan sem leyfður er innflutningur til Sambandsins eða umflutningur um Sambandið á tilteknum alifuglavörum í tengslum við alvarlega fuglainflúensu

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/99/EB frá 16. desember 2002 um heilbrigðisreglur um framleiðslu, vinnslu, dreifingu og aðflutning á afurðum úr dýraríkinu til manneldis ⁽¹⁾, einkum 8. gr. (inngangsorð), 8. gr. (fyrsta undirgrein 1. liðar), 8. gr. (4. liður) og 9. gr. (4. mgr.),með hliðsjón af tilskipun ráðsins 2009/158/EB frá 30. nóvember 2009 um skilyrði á sviði heilbrigðis dýra sem hafa áhrif á viðskipti innan Bandalagsins með alifugla og útungunaregg og á innflutning þeirra frá þriðju löndum ⁽²⁾, einkum 23. gr. (1. mgr.), 24. gr. (2. mgr.) og 25. gr. (2. mgr.),

og að teknu tilliti til eftirfarandi:

- (1) Í reglugerð framkvæmdastjórnarinnar (EB) nr. 798/2008 ⁽³⁾ er mælt fyrir um kröfur um heilbrigðisvottanir fyrir dýr og dýraafurðir vegna innflutnings til Sambandsins og umflutnings gegnum það, þ.m.t. geymslu á meðan á umflutningi stendur, á alifuglum og alifuglaafurðum (hér á eftir nefndar vörurnar). Þar er kveðið á um að vörurnar megi einungis flytja inn til Sambandsins og umflytja gegnum það frá þeim þriðju löndum, yfirráðasvæðum, svæðum eða hölfum sem skráð eru í 1. og 3. dálk töflunnar í 1. hluta I. viðauka við hana.
- (2) Í reglugerð (EB) nr. 798/2008 er einnig mælt fyrir um skilyrði fyrir því að þriðja land, yfirráðasvæði, svæði eða hólf geti talist laust við alvarlega fuglainflúensu (HPAI).
- (3) Bandaríkin eru skráð í 1. hluta I. viðauka við reglugerð (EB) nr. 798/2008 sem þriðja land þaðan sem innflutningur til Sambandsins og umflutningur um Sambandið á vörum er ekki takmarkaður vegna þess að alvarleg fuglainflúensa sé fyrir hendi.
- (4) Í samningi milli Evrópubandalagsins og Bandaríkjanna Ameríku um ráðstafanir á sviði hollustuhátta til að vernda heilbrigði manna og dýra í viðskiptum með dýr á fæti og dýraafurðir (hér á eftir nefndur samningurinn) ⁽⁴⁾, sem var samþykktur með ákvörðun ráðsins 98/258/EB ⁽⁵⁾, er kveðið á um gagnkvæma viðurkenningu á svæðaskiptingarráðstöfunum ef sjúkdómar koma upp í Sambandinu eða í Bandaríkjunum.
- (5) Hinn 8. apríl 2020 staðfestu Bandaríkin að alvarleg fuglainflúensa af undirgerð H7N3 væri fyrir hendi á alifuglabúi í Chesterfield-sýslu í Suður-Karólínu-ríki. Því er ekki lengur hægt að líta svo á að allt yfirráðasvæði Bandaríkjanna sé laust við þann sjúkdóm.
- (6) Heilbrigðisyfirvöld Bandaríkjanna á sviði dýra og dýraafurða komu upp 10 km varnarsvæði umhverfis viðkomandi bú, sem nær yfir hluta Chesterfield-sýslu, Lancaster-sýslu og Kershaw-sýslu í Suður-Karólínu-ríki. Heilbrigðisyfirvöld Bandaríkjanna á sviði dýra og dýraafurða staðfestu að þau hefðu tafarlaust hætt útgáfu á heilbrigðisvottorðum fyrir dýr og dýraafurðir vegna sendinga á vörum, sem ætlaðar voru til útflutnings frá öllu yfirráðasvæði Bandaríkjanna til Sambandsins, og innleiddu niðurskurðarstefnu til að verjast alvarlegri fuglainflúensu og hefða útbreiðslu sjúkdómsins.
- (7) Bandaríkin hafa lagt fram upplýsingar um faraldsfræðilegar aðstæður á yfirráðasvæði sínu og til hvaða aðgerða þau hafa gripið, sem framkvæmdastjórnin hefur nú lagt mat á, til að koma í veg fyrir frekari útbreiðslu alvarlegrar fuglainflúensu. Á grundvelli þessa mats, sem og á grundvelli þeirra skuldbindinga sem mælt er fyrir um í samningnum og þeirra ábyrgða sem Bandaríkin veita, er rétt að setja takmarkanir á aðflutning til Sambandsins á vörum frá þeim svæðum í Suður-Karólínu-ríki sem heilbrigðisyfirvöld Bandaríkjanna á sviði dýra og dýraafurða hafa sett takmarkanir á vegna núverandi uppkoma þar sem alvarleg fuglainflúensa er fyrir hendi til að vernda Sambandið gegn áhættu fyrir heilbrigði dýra sem tengist aðflutningi á vörum frá Bandaríkjunum til Sambandsins.
- (8) Því ætti að breyta færslunni fyrir Bandaríkin í töflunni í 1. hluta I. viðauka við reglugerð (EB) nr. 798/2008 til að taka tillit til núverandi faraldsfræðilegra aðstæðna í þessu þriðja landi vegna núverandi uppkomu alvarlegrar fuglainflúensu. Því ætti að breyta I. viðauka við reglugerð (EB) nr. 798/2008 til samræmis við það.
- (9) Ráðstafanir, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fôður.

SAMÞYKKT REGLUGERÐ ÞESSA:

1. gr.

Ákvæðum 1. hluta I. viðauka við reglugerð (EB) nr. 798/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

ISO-kóði og heiti þriðja lands eða yfirráðasvæðis	Kóði þriðja lands, yfirráðasvæðis, svæðis eða hólfis	Lýsing á þriðja landi, yfirráðasvæði, svæði eða hólfu	Heilbrigðisvottorð fyrir dýr og dýraafurðir		Sérstök skilyrði	Sérstök skilyrði		Staða eftirlits vegna fugla-inflúensu	Bólusetningastaða vegna fugla-inflúensu	Staða varna gegn salmonellu (*)
			Fyrirmynd(ir)	Viðbótar-ábyrgðir		Lokadagsetning (°)	Upphafsdagsetning (°)			
1	2	3	4	5	6	6A	6B	7	8	9
		a) Norður: 2 km til suðurs frá Highway 9, 0,03 km til austurs frá gatnamótum Airport Rd og Raymond Deason Rd. b) Norðaustur: 1 km til suðvesturs frá gatnamótum Highway 268 og Cross Roads Church Rd. c) Austur: 5,1 km i vestur frá State Highway 109, 1,6 km i vestur frá Angelus Rd og Refuge Dr d) Suðaustur: 3,2 km til norðvesturs frá gatnamótum Highway 145 og Lake Bee Rd. e) Suður: 2,7 km til austurs frá gatnamótum Highway 151 og Catarah Rd. f) Suðvestur: 1,5 km til austurs frá gatnamótum McBee Hwy og Mt Pisgah Rd. g) Vestur: 1,3 km til austurs frá gatnamótum Texahaw Rd og Buzzards Roost Rd. h) Norðvestur: Gatnamót White Plains Church Rd og Graves Rd.								